



“I te cherdì con to ennom” dij le Signur.

Con le Sacramont dal Bato ven tut sö tla comunità dla Dlijia **Nicholas Lerchner** (Issing). La ploania i fej les miús aodanzas ai geniturs Georg y Silvia: che Nicholas pói cresce tla fede, vire tla speranza y sperimenté l’amur de Chelbeldio y dla jont.



“Signur, confermeia söa empormetüda d’amur önn por l’ater.”

La ploania i fej les miús aodanzas de benedisciun y fortüna ai nüc **Anita Elliscases y David Chizzali** co se dá adöm tal sacramont dal matrimone en sabeda ai 26 de má a La Pli.

- **La Musiga:** la Musiga d’La Pli envieia düc der bel al **concert de Pasca de Ma**, ai 20 de ma ales 20:30 te Ciasa dles Uniuns.
- **I Archifs dles Ploanies:** en vendres, ai 25 de ma tin, ales 20:00 Ciasa dles Uniuns, Philipp Tolloi, co laora tal archiv provincial a Balsan, sön envit dal consei de formaziun y dla ploania en referat olá ch’al cunta dai risultac dal proiet porté ennant dla Provinzia adöm con la diozeja y spliga ince val documonc enteressanc dal archiv d’La Pli. Döt so laur é spo roé tai „Findbücher“ co deida da sen ennant da fá enrescides te chisc archifs.

1 enformaziuns y termins

Conzert: en sabeda ai 26 de ma ales 20:00 sarál Angela Palfrader, Simon Brandlechner y Renzo Huber co portará dant tla dljia d’Al Plan trei cantates dal tomp da Pasca por usc, vidora y clavicembalo de Georg Philipp Telemann y na sonata por vidora y clavicembalo de Georg Friedrich Händel.

Grup Atmosfera: tal cader dles encuntades dal grup de autoaiüt „Atmosfera“ por porsones con problematiches psichiches sarál en jöbia ai 24 de ma ales 15:30 te Raiun Sozial a Picolin n domisdé con Susanne Steidl dal titul „I ciafi mia balanza, danter alc y basc“ con conseis pratics y eserzizi de relassamont. Prenotaziuns cina ai 23 de ma, ☎ 0474 524552 al é má 15 posé a desposiziun.

“Rosalinda la stufosa”, teater por pici y gragn con Silvia Liotto, Veronica Irsara y Roland Pizzinini, rejia de Erika Castlunger en vendres 25 de ma ales 18:00 a Al Plan tal saf dla Cassa Raiffeisen. L’entrada é debann.

Döt le bun a:	Veronica Willeit ved. Steiner, <i>Braies</i>	* 20.05.1937
	Oliva Feichter Bridi	* 21.05.1921
	Giuliana Ellemunter ved. Maffei, <i>Savignano</i>	* 22.05.1936
	Anna Erardi, <i>Pietra Ligure</i>	* 23.05.1925
	Anna Daverda Rindler	* 23.05.1932
	Rita Trebo Becker, <i>Birgitts</i>	* 24.05.1930
	Jan Rindler	* 24.05.1932
	y a düc chi co á santennom y compless i agn cöst’edema	

Impressum: Ploania d’La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Ví, Spirit Sant, a emplí i cörs de tü credenc, y empeia te ei le fü de to amur. Alleluia.

☞ **St.Ap 2, 1–11 | 1 Co 12, 3b–7.12–13 o Gal 5, 16–25 | Jan 15, 26–27; 16, 12–15**

Dal Vangelo do San Jan:

Te chel tomp á Gejú dit a sü discepu: ²⁶Canch’al ven le paraclèt, ch’i ves meni dal Pere enfora, le Spirit dla verité co proven dal Pere, danló darál jö testimonianza por me. ²⁷Y ince os desses dé jö testimonianza, deach’i seis dal scomenciamont encá pa me. ¹²I á ciamó trep da ves dí, mo sen ne seise nia bogh da porté na te’ ciaria. ¹³Mo canch’al ven el, le Spirit dla verité, ves condüjarál ete te döta la verité. Deach’al ne baiará nia fora de sé enstes, mo al dijará ci che el alda, y ves encünderá ci co gnará. ¹⁴El mo glorificará, deach’al tolará de ci co é mio y s’al encünderá. ¹⁵Döt, ci che le Pere á, é mio; porchel ái dit: Al tol de ci co é mio y s’al encünderá.

Oraziun dal de

Periun! Dio onipotent y etern, con le mister de cösc de santificheieste töa Dlijia te düc i popui y te dötes les naziuns: emplec le monn entier con les scincundes dal Spirit Sant y, ci che to amur á operé tal scomenciamont dla Dlijia, chel dessel ince operé encö tal cör de chi co crei en te.

Do cösc te periunse por nosc Signur Gejú Crist, to Fi, co é Dio y vir y regneia con te t’l’unité dal Spirit Sant por düc i secui dai secui. – Amen.

(Lezionar B)



☞ **Letöres dla gran festa dla SS. Trinité | Domegna dles families:**
Deut 4, 32–34.39–40 | Rom 8, 14–17 | Mt 28, 16–20

Edema liturgica dai 20.05. ai 27.05.2018

DOM 20.	GRAN FESTA DE PASCA DE MA <i>Bernardin, Elfriede, Valeria</i>
08:30	“Veni creator”, gran messa ciantada en onú dal Spirit Sant por dōta la ploania <i>oferta por i debojügn dla ploania</i>
→	♫ <i>Wolfgang Amadeus Mozart, “Missa brevis in B dur”</i>
	ores d’adoraziun: do messa cina les 10:30 Curt, 10:30 - 11:30 La Pli, 13:00 - 14:00 Pliscia
14:00	espi da festa y benedisciun eucaristica
15:00	funziun dal Bato de Nicholas Lerchner
Lön 21.	LÖNESC DE PASCA DE MA / <i>al va ennant le tomp ia por l’ann</i> <i>Hermann Josef, Christophorus Magallanes y compagns</i>
08:30	gran messa por †† signor Merch y signor Mattio ♫ Cor
→	s.m. por †† Frena y Rovara ora d’adoraziun por la comunité
Ded 22.	<i>Rita da Cascia, Renata, Julia</i>
07:30	s.m. por † Agnese Ellecosta ved. Erlacher, Ombolt s.m. por fam. Klaus y Gabriella Kehrer, Furcia
Dem 23.	<i>Berto, Desider</i>
18:00	s.m. a Al Plan
Jöb 24.	<i>de mondial d’oraziun por la dljia tla Cina Ester, Dagmar</i>
19:30	s.m. por i nüc Emil Sorá y Iris Ploner s.m. por i nüc Filip Ploner y Manuela Ploner s.m. por fam. Lois y Hannelore Pedevilla, Soröa s.m. pot †† de Slugher
Ven 25.	<i>Beda, Gregor VII., Maria Magdalena da Pazzi</i>
07:10	s.m. a Al Plan
Sab 26.	<i>Filip Neri, Maria Anna</i>
→ 06:30 ca.	röa adalerch la prozesciun da Valsperch, s.m. ad intenziun
→ 09:00 ca.	röa adalerch la prozesciun da Valdaora s.m. ad intenziun
14:00	s.m. da noza por i nüc Anita Elliscases y David Chizzali
DOM 27.	GRAN FESTA DLA SS. TRINITÉ <i>Augustin da Canterbury, Bruno</i> DOMEGNA DLES FAMILIES
08:30	gran messa en onú dla Sacra Familia por les families y por dōta la ploania ♫ scolari <i>oferta por i debojügn dla ploania</i>
10:00	s.m. a Al Plan
<i>ampola:</i>	do intenziun dai nüc Anita Elliscases y David Chizzali
<i>ministronc:</i>	▶ da doman y domegna: <i>Nicolas Ellemunter y Emilie Rigo</i> ▶ da sera y domegna: <i>Jan y Maria Burchia</i>
<i>i recordun:</i>	Elena Rigo + 24.05.2014



La scincunda dal ci (Jan 20, 19–23 o Jan 15, 26–27; 16, 12–15)

I ponsi do

Le Spirit Sant é la scincunda de Gejú ai discepu: al ven jö le de de Pasca de Ma y ti dá ai apostui le coraje da meter man la gran aventöra dla Dlijia, ciamó via tal monn aldedancö.
Vigne cristian é en stromont de Gejú y porta la reconziliaziun söla tera: la pesc, l’amizizia y la misericordia. Chisc é i früc dal Spirit Sant.

I preii ensciö

Ví, Spirit Sant: con en rai de töa löm ví ete te nüsc cörs y ilumineiesse.
VÍ, Spirit Sant: tö se portes scincundes sonza fin. Te portes consolaziun y confort tal dolur. Tö es desco en ghest aspeté y dejidré. Tla fadia este palsa, tal dolur se daste speranza. Zonza töa forza ne sunse bogn da fá nia. Láa ci co é paz, bagna ci co é assöt, varesc les ferides co sangoneia, met a post ci co é falé.
Dasse a düc nos töes gran scincundes. Conzedesse i früc dal ben, tolesse la tema dla mort y dasse la ligreza eterna.

Walter Cazzaniga, Parola amica – Il Vangelo della domenica per ragazzi



Lasst euch bewegen!

Das Motto von Pfingsten lautet nicht: Bewegt euch!, sondern: Lasst euch bewegen – von dem Heiligen Geist, der immer unterwegs ist unter den Menschen. Ich brauche nicht in Aktionismus zu verfallen, sondern darf zuerst einmal ruhig werden, still werden, mich dem Geist öffnen und mich von Gott bewegen lassen. Und wenn ich wirklich offen bin für den Heiligen Geist, dann bringt er mich auch auf Trab, bringt mich auf den Weg zu den Menschen.



Stories de Adam y Eva cuntades ai mituns (10)



Adam, olá este pa?

Adam y Eva â mangé dai früc dal len amez l’urt “demorveia”. Ai â fat ci che Chelbeldio ti â proibí. Ei co conescea ma le “bun”, sa sen ince ci co é “mal”. Sen sái ch’ái é desnüs. Ai se doda. Ai ne se conforta gnanca plü da encunté Chelbeldio. Canch’al sofla n ont fresch dal mer, ven Chelbeldio t’urt. Adam y Eva alda sü vari. Ai se sperd y ne ti va nia adancuntra. Na, ai s’ascogn sot i lens.

Chelbeldio, le Signur, cherda Adam: “Olá este pa?” Adam rospogn: “I t’á aldí gnenn t’urt, i m’á tomü deach’i sun desnü, porchel m’ái ascognü.” Chelbeldio damana: “Che t’á pa dit che t’es desnü? Aste mangé i früc dal len ch’i t’á proibí?” Adam sbürta la colpa sön Eva, al sbürta na pert dla colpa cinamai sön Chelbeldio. Al dij: „L’era, che tö m’as dé por compagna, m’á dé de chel früt y iu a mangé.“ Chelbeldio, le Signur, damana Eva: “Ci aste pa fat?” Gnanca Eva ne tól responsabilité de ci ch’ara á fat. Era sbürta la colpa sön la bisca: “Era m’á empizé – spo ai mangé.”

va ennant